

ԵՎՐԱՍԻՆՏԵՐԻՄ

ԻՐԱԿԼԻ ՂԱՐԻԲԱՇՎԻԼԻ. «5-10 ՏԱՐԻ ՇԵՏՈ ՎՐԱՍՏԱՆԸ ԿԱՐՈՂ Է ՂԱՌՆԱԼ ԵՎՐԱՄԻՈՒԹՅԱՆ ԼԻԱՐԺԵՔ ԱՆՂԱՍ»



Ինչպես արդեն հաղորդել ենք, հունիսի 27-ին, Բրյուսելում, Վրաստանը, Մոլդովան եւ Ուկրաինան ստորագրեցին Եվրամիության հետ ասոցիացման համաձայնագիրը: Վրացական կողմից ասոցիացման համաձայնագիրը ստորագրեց Իրակլի Ղարիբաշվիլին: Եվրամիության կողմից համաձայնագիրը ստորագրեցին Եվրահանձնաժողովի նախագահ ժոզե Մանուել Բարոզուն եւ Եվրախորհրդի նախագահ Շերման Վան Ռոմայնը:

Լու ժամկետի հարցը, երկիրը Եվրամիության լիիրավ անդամ կարող է դառնալ 5-10 տարի հետո: «Դա կախված է առաջընթացից, որը կուցենա Վրաստանը: Մենք լիովին տրամադրված ենք իրականացնելու բոլոր բարեփոխումները, որպեսզի համապատասխանենք ԵՄ-ի պահանջներին... ես կարող եմ երաշխավորել, որ հնարավոր ամեն բան կանենք ԵՄ-ի բոլոր պահանջները կատարելու համար»,- հայտարարեց վարչապետը:

(Շարունակությունը՝ 2-րդ էջում)

Հանդես գալով ստորագրման արարողությունից հետո, Վրաստանի կառավարության ղեկավարը հայտարարեց, որ Վրաստանը դեռ չի հստակեցրել Եվրամիությանը անդամակցության հայտ ներկայացնելու մասին:

ԳԻՐԳԻ ՍԱՐԳՎԵԼԱՇՎԻԼԻ. «ՀԱՄԱՉԱՅՆԱԳԻՐԸ ԱՐՉԱԳԱՆՔ ԿՈՒՆԵՆԱ ՅՈՒՐԱՔԱՆՉՅՈՒՐ ԸՆՏԱՆԻՔԻ ԿՅԱՆՔՈՒՄ»

Հունիսի 27-ին, Վրաստանի կողմից Եվրամիության հետ ասոցիացման համաձայնագրի ստորագրման կապակցությամբ, Վրաստանի նախագահ Գիրգի Սարգվելաշվիլին հատուկ ուղերձով դիմեց երկրի բնակչությանը:

Վրաստանի ժողովրդին շնորհավորելով պատմական օրվա առթիվ, երկրի ղեկավարը հայտարարեց, որ Վրաստանն առաջին երկիրն է Հարավային Կովկասում, որը Եվրամիության հետ ձեւակերպել է նման պայմանագիր:

«Վրաստանն իր բնութեով Եվրոպական մշակույթի մասն է հանդիսանում, բնականաբար, Եվրոպական արժեքները մեզ համար ընդունելի են: Մենք ոչ միայն այդ մշակույթի մի մասն ենք, այլ»



(Շարունակությունը՝ 2-րդ էջում)

ԱՍՈՑԻԱՑՄԱՆ ՀԱՄԱՉԱՅՆԱԳԻՐԸ ԿՎՎԿԵՐԱՑՎԻ ՀՈՒՆԻՍԻ ՎԵՐՋԻՆ

Ինչպես արդեն հաղորդել ենք, հունիսի 27-ին Բրյուսելում ստորագրվեց Վրաստանի Եվրամիության հետ ասոցիացման համաձայնագիրը:

Այն ուժի մեջ կմտնի Կրողմից դրա վավերացումից հետո: Նշենք, որ Վրաստանի հետ միասին Եվրամիության հետ ասոցիացման համաձայնագիրը:

Վրաստանի խորհրդարանի իրավաբանական կոմիտեի նախագահ Վախթանգ Խնավաձեի հայտարարությամբ, երկրի խորհրդարանը Եվրամիության համաձայնագիրը:

(Շարունակությունը՝ 2-րդ էջում)

10 ԱՌԱՄՊԵԼ՝ ՎՐԱՍՏԱՆ-ԵՎՐԱՄԻՈՒԹՅԱՆ ԱՍՈՑԻԱՑՄԱՆ ՀԱՄԱՉԱՅՆԱԳՐԻ ՎԵՐԱԲԵՐՅԱԼ

ԱՌԱՄՊԵԼ 1. Ասոցիացման համաձայնության ստորագրումը կառաջացնի տնտեսական դժվարություններ: Եվրամիության հետ ասոցիացման համաձայնագիրը կհարավորություններով եւ աշխարհի խոշոր շուկայի հետ պարզ ձեռնհասությամբ: Ասոցիացման վերաբերյալ համաձայնությունը կապված է որոշակի պարտավորությունների հետ, թերեւս, անջափ կարելու է համապատասխան ինստիտուցիոն եւ տնտեսական բարեփոխումների իրականացման տեսանկյունից: Եվրամիության հետ ասոցիացման վերաբերյալ համաձայնեցման ձեւակերպումը կունենա դրական ազդեցություն արտասահմանյան ներդրողների վերաբերմունքի վրա՝ Վրաստանի նկատմամբ եւ, համապատասխանաբար, կօգնի

Վրաստանին ավելացնել ներդրումների գրավման աճը: 2012 թվականին անցկացրած հետազոտման համաձայն, նշված համաձայնության իրականացումը կօգնի Համախառն ներքին արտադրանքի (ՀՆԱ) լրացուցիչ աճին 4,3 տոկոսով: Նշված լրացուցիչ տնտեսական աճը կառաջացնի նաեւ պետական լրացուցիչ ֆինանսներ հարկային եւ մաքսային

(Շարունակությունը՝ 4-րդ էջում)

ՀԱՅԱՍՏԱՆ

ՇՆՈՐՀԱՎՈՐԱՆՔՆԵՐ ՀԱՅԱՍՏԱՆԻ ՆԱԽԱԳԱՐԻՆ

Հունիսի 30-ին լրացավ Հայաստանի նախագահ Սերժ Սարգսյանի ծննդյան 60-ամյակը:



Գուրբանգուլի Բերդիմուխամբեյովը, Ռուսաստանի Դաշնության կառավարության նախագահ Վլադիմիր Մեդվեդևը, Լեռնային Ղարաբաղի Հանրապետության նախագահ Բակո Սահակյանը, այլ երկրների ու կառավարությունների ղեկավարներ:

Հորեյրանական տարեդարձի առթիվ Հայաստանի նախագահին շնորհավորական ուղերձներ են հղել Վրաստանի նախագահ Գիորգի Սարգվելաշվիլին, վարչապետ Իրակլի Ղարիբաշվիլին, Ռուսաստանի Դաշնության նախագահ Վլադիմիր Պուտինը, Չինաստանի նախագահ Սի Շինփինը, Ղազախստանի նախագահ Նուրսուլթան Նազարբաևը, Բելոռուսի նախագահ Ալեքսանդր Լուկաշենկոն, Հնդկաստանի նախագահ Պրանաբ Մուրթեջին, Տաջիկստանի նախագահ Էմոմալի Ռահմոնը, Թուրքմենստանի նախագահ

«Վրաստան» թերթը՝ խմբագրականի եւ ընթերցողների անունից ի սրտե շնորհավորում է Հայաստանի նախագահ Սերժ Սարգսյանին՝ ծննդյան 60-ամյակի առթիվ, մաղթում քաջառողջություն, երկարակեցություն եւ մեծ հաջողություններ իր հայրենանվեր գործունեությունում եւ, իհարկե հայ-վրացական միջպետական հարաբերություններում:

ԸՆՏՐՈՒԹՅՈՒՆՆԵՐ

ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԸՆՏՐՈՒԹՅՈՒՆՆԵՐԻ ԵՐԿՐՈՐԴ ՏՈՒՐԸ ԿԱՆՅԿԱՅՎԻ ՀՈՒՆԻՍԻ 12-ԻՆ

Վրաստանի Կենտրոնական ընտրական հանձնաժողովում անցկացված քննարկումների արդյունքում, քվեարկությանը որոշում է ընդունվել տեղական ընտրությունների երկրորդ տուրը անցկացնել հուլիսի 12-ին:

Հիշեցնենք, որ հունիսի 15-ին անցկացված ընտրություններում երկրի պատմության մեջ առաջին անգամ ընտրվելու էին մունիցիպալային վարչության 59 նախագահներ, ինչպես նաեւ Թբիլիսիի ու եւս 11 ինքնակառավարման քաղաքների քաղաքապետեր: Ընտրությունների երկրորդ փուլում ընտրվելու են ինքնակառավարման 7 քաղաքների եւ 13 մունիցիպալիտետների վարչության նախագահները: Մասնավորապես, Թբիլիսիում քաղաքապետի պաշտոնի համար պայքարում քաղաքացիներն ընտրություն

են կատարելու «Վրացական երազանք» կապիցիայի թեկնածու Դավիթ Նարմանիայի ու «Միասնական ազգային շարժման» կողմից առաջադրված Նիկա Մելիայի միջեւ: Ինչ վերաբերում է ինն ընտրական մարզերի 14 ընտրատեղամասերում հունիսի 29-ին անցկացված կրկնական ընտրությունների արդյունքներին, ապա ճնշող մեծամասնությամբ հաղթանակի են հասել «Վրացական երազանքի» ներկայացուցիչները: (Խորագրի շարունակությունը՝ 4-րդ էջում)

ՎՐԱՍՏԱՆ-ԱՄՆ

ՕՐԱԿԱՐԳՈՒՄ ՉՈՒՐԱԼ ԵՎ ՏԱՐԱՄԱՆՐԶԱՆԱՅԻՆ ԱՆՎՏԱՆՊՈՒԹՅԱՆ ՀԱՐՅԵՐՆ ԷԻՆ

ԱՄԵՐԻԿԱՆ ԿՈՆԳՐԵՍԱԿԱՆՆԵՐԸ ՎՐԱՍՏԱՆՈՒՄ

Հունիսի 29-ին աշխատանքային այցով Վրաստան էր ժամանել ԱՄՆ կոնգրեսի պատվիրակությունը՝ Եվրոպական անվտանգության եւ համագործակցության հարցերով հանձնաժողովի նախագահ, արտաքին կապերի սենատի կոմիտեի ավագ անդամ Բեն Քորդինի գլխավորությամբ:



Այցի շրջանակներում ամերիկյան կոնգրեսականների հետ հանդիպեցին Վրաստանի նախագահ Գիորգի Սարգվելաշվիլին, վարչապետ Իրակլի Ղարիբաշվիլին: Կոնգրեսականները համոզիպում ունեցան նաեւ «Միասնական ազգային շարժում» ընդդիմադիր կուսակցության ներկայացուցիչների հետ: Հանդիպումներում քննարկվեցին Վրաստան-ԱՄՆ ռազմավարական համագործակցության, գլոբալ եւ տարածաշրջանային անվ-

տանգության հետ առնչվող հարցեր: Վրացական կողմը ներկայացրեց Եվրամիության հետ ասոցիացման համաձայնագրի ստորագրումից հետո երկրում իրականացվելիք բարեփոխումների մասին տեղեկատվությունը: Վրացական կողմը, համաձին կոնգրեսականներին, ԱՄՆ-ին շնորհակալություն հայտնեց Վրաստանի տարածքային ամբողջականության հարցում երկրին ցուցաբերած աջակցության համար:

ԵՎՐԱՍԻՆՏԵԳՐՈՒՄ

ԻՐԱԿԼԻ ՂԱՐԻԲԱՇՎԻԼԻ. «5-10 ՏԱՐԻ ՇԵՏՈ ՎՐԱՍՏԱՆԸ ԿԱՐՈՂ Է ՂԱՌՆԱԼ ԵՎՐԱՍԻՈՒԹՅԱՆ ԼԻԱՐԺԵՔ ԱՆՂԱՍՄ»

(Սկիզբը՝ 1-ին էջում)


Ելույթում անդրադառնալով Վրաստան-Ռուսաստան հարաբերություններին, Իրակլի Ղարիբաշվիլին ընդգծեց, որ երկխոսությունից բացի, այլ ուղի գոյություն չունի: «Կարծում եմ, որ անհրաժեշտ է իրականացնել երկխոսություն, սովալ պարագայում այլ ուղի չկա»,- Գեղեցիկ Ղարիբաշվիլին: «2012 թվականին, երբ մենք եկանք իշխանության գլուխ, որոշակի քայլեր կատարե-

ցինք Ռուսաստանի հետ հարաբերությունների կարգավորման ուղղությամբ, որն իր հերթին, դրական վերաբերմունք ցուցաբերեց: Յետեւաբար, սովալ փուլում Ռուսաստանի կողմից ծագող ոչ մի բարդություն չեն տեսնում»,- հայտարարեց Վրաստանի վարչապետը:

Իրակլի Ղարիբաշվիլու խոսքերով, Հարավային Օսեթիան եւ Աբխազիան կօգտվեն «Եվրամիության հետ ասոցիացման համաձայնագրի բոլոր բարիքներից»: Նա,

մասնավորապես, Հարավային Օսեթիայի եւ Աբխազիայի բնակիչներին խոստացավ «Եվրոպական շուկայի, այցեգրային ռեժիմի, եվրոպական կրթության բոլոր բարիքները»:

Վրաստանը «հաստատ ցանկություն ունի դառնալու եվրոպական ընտանիքի լիիրավ անդամը»,- հայտարարեց Իրակլի Ղարիբաշվիլին հավելելով. «Ես հավատում եմ, որ շուտով Վրաստանը կդառնա եվրամիության լիիրավ անդամ»:



ՈՒԿՐԱԻՆԱ

ՀՐԱՂԱՂՐԻ ՌԵԺԻՄԸ ԿԱՍԵՑՎԵՑ

Ուկրաինայի նախագահ Պյոտր Պորոշենկոն Ղոնքասում կասեցրել է հրադարարի ռեժիմի գործողությունը: Այդ որոշումը նա ընդունել է Ազգային անվտանգության եւ պաշտպանության խորհրդի նիստի արդյունքում:

Այդպիսով, հրադարարի ռեժիմը, որը նախագահի կողմից հայտարարվել էր հունիսի 20-ին եւ երկարաժամկետ միջադեպ հունիսի 30-ի ժամը 22:00-ը, այլևս չի գործում:

Ուկրաինայի նախագահը հեռախոսազրույցներ է ունեցել ՉԽՀ-ի կանցլեր Անգելա Մերկելի, ԱՄՆ-ի պետքարտուղար Ջոն Քերրիի եւ Ֆրանսիայի նախագահ Ֆրանսուա Օլանդի հետ, որոնց ընթացքում նրանց տեղեկացրել է հանրապետության հարավ-արեւելքում հրադարարի ռեժիմի գործողության կասեցման մասին:

ԹՈՒՐԵԻԱ

ԵՐՊՈՂԱՆԸ ՆԱԽԱԳԱՀԻ ԹԵԿՆԱԾՈՒ

Թուրքիայի իշխող «Արդարություն եւ զարգացում» կուսակցությունը միաձայն որոշում է կայացրել՝ նախագահի թեկնածուի պաշտոնում առաջադրել վարչապետ Ռեջեփ Թայիփ Էրդողանին:

Էրդողանի մյուս մրցակիցներն են ընդդիմադիր Հանրապետական ժողովրդական կուսակցության եւ «Ազգայնական շարժում» կուսակցության առաջադրած միասնական թեկնածու Էքմեդեղդին Իսանոլլուն, ինչպես նաեւ քրդական «Խաղաղություն եւ ժողովրդավարություն» կուսակցության թեկնածու Սելահաթին Դեմիրթաշը:

Թուրքիայում նախագահական ընտրությունները տեղի կունենան օգոստոսի 10-ին: Առաջին անգամ նախագահին կընտրեն ժողովրդական քվեարկության միջոցով:

ՖՐԱՆՍԻԱ

ԿՈՈՒՊՑԻԱՅԻ ՄԵՂԱԴՐԱՆՔ՝ ՍԱՐԿՈՋԻՆ

Ֆրանսիայի նախկին նախագահ Նիկոլայ Սարկոզին կոռուպցիայի պաշտոնական մեղադրանք է առաջադրվել: Սարկոզին մեղադրվում է կաշառք տալու, պաշտոնական դիրքը անձնական նպատակներով օգտագործելու եւ առեւտրային գաղտնիքի խախտման փաստը թաքցնելու մեջ:

Չուլիսի 1-ի երեկոյան Սարկոզին, որին առավոտյան ձերբակալել էին Փարիզի մերձակա Նանտեր քաղաքում, ոստիկանական տեղամասում 15 ժամ տեսած հարցաքննությունից հետո գաղտնի տեղափոխվել է Փարիզ:

ՄԵՐՉԱՎՈՐ ԱՐԵՎԵԼՔ

ՀԻՄՆՈՒՄ ԵՆ ԻՍԼԱՄԱԿԱՆ ԽԱՒՅԱԾ

«Իրաքի եւ Լեւանտի իսլամական պետություն» խմբավորումը ԻԼԻՊ-ը, հայտարարել է, որ իր գրաված տարածքներում իսլամական խալիֆաթ կազմավորելու եւ Աբու Բաքր ալ Բադդադիի մուսուլմանների խալիֆաթի ղեկավար դառնալու մասին: Ալ Բադդադին արդեն ընդունել է առաջարկությունը:

«Իրաքի եւ Լեւանտի իսլամական պետություն» ահաբեկչական խմբավորումը նախորդ 2 շաբաթների ընթացքում հսկողություն է հաստատել Իրաքի հյուսիսային եւ արեւմտյան շրջանների վրա:

ՔՐՊՏԱՆԸ ԱՆՋԱՏՎՈՒՄ Է ԻՐԱՔԻՑ

Իրաքյան Քրդստանի ղեկավար Մասուդ Բարզանին հայտարարել է Իրաքից անջատվելու հարցով համընդհանուր քվեարկություն անցկացնելու մասին: Մասուդ Բարզանիի խոսքով՝ պետք է նշանակել համընդհանուր քվեարկություն անցկացնելու օրը:

Ավելի վաղ Իրաքյան Քրդստանի ղեկավարը հայտարարել էր, որ քրդերը չեն պատրաստվում հեռանալ Քրդստան քաղաքից եւ այլ վիճելի տարածքներից:

Քրդստանը, 560 քառ. կմ տարածքով, գտնվում է Իրաքի, Իրանի, Սիրիայի եւ Թուրքիայի միջեւ: Բնակչությունը, տարբեր տեղեկություններով, կազմում է 25-35 միլիոն մարդ:

ԳԻՈՐԳԻ ՄԱՐԳՎԵԼԱՇՎԻԼԻ. «ՀԱՄԱՁԱՅՆԱԳԻՐԸ ԱՐՉԱԳԱՆՔ ԿՈՒՆԵՆԱ ՅՈՒՐԱՔԱՆՉՅՈՒՐ ԸՆՏԱՆԻՔԻ ԿՅԱՆՔՈՒՄ»

(Սկիզբը՝ 1-ին էջում)

գահը հայտարարել է. «Մենք կկառուցենք եվրոպական Վրաստան: Այդ երկրում պաշտպանված կլինեն ազգային, քաղա-

քական եւ սոցիալական բոլոր խմբերի իրավունքները:

Այսօր մենք ստորագրել ենք եվրամիության հետ ասոցիացման համաձայնագիրը: Ինքնին այն նշանակալի օգուտ կբերի

մեր երկրի քաղաքացիներին, մեր պետությանը: Միաժամանակ, ցանկանում եմ նշել, որ ստորագրման պահից մենք սկսում ենք շարժվել դեպի նոր նպատակը եւ այդ նպատակը եվրա-

միությանը լիարժեք անդամակցությունն է: Մենք այդ ուղիով կընթանանք հաստատական ու անշեղ»,- սաված է Գիորգի Մարգվելաշվիլու Վրաստանի ժողովրդին ուղղված ուղերձում:

ԱՍՈՑԻԱՅԻՆ ՀԱՄԱՁԱՅՆԱԳԻՐԸ ԿՎԱՎԵՐԱՅՎԻ ՀՈՒՆԻՍԻ ՎԵՐՉԻՆ

(Սկիզբը՝ 1-ին էջում)

հետ ասոցիացման համաձայնագիրը կվավերացնի հուլիսի վերջին:

Ընտրությունների երկրորդ տուրի անցկացումից հետո կիրավորվի արտահերթ նստաշրջան, որի ընթացքում պատ-

գամավորները կքննարկեն եվրամիության հետ ասոցիացման համաձայնագրի վավերացումը: Խորհրդարանական կոմիտեներում հարցի քննարկումից հետո կանցկացվի փաստաթղթի ընդունման քվեարկությունը»,- հայտարարեց խնամախոսը:

Վրաստանի եվրոպական եւ եվրատլանտյան ինտեգրման հարցերով պետնախարար Ալեքսի Պետրիաշվիլու խոսքերով, եվրամիության հետ Վրաստանի ասոցիացման համաձայնագրի այն ստորագրած կողմերի վավերացման գործընթացը կավարտվի աշնանը:

ԿՐԹԱԿԱՆ



ՈՒՍՏԱՐԻՆ ՀՆԱՐԱՎՈՐ Է ՄԵԿՆԱՐԿԻ ՄԵՊՏԵՄԲԵՐԻ 15-ԻՆ

Վրաստանի հանրային դպրոցներում նոր ուսումնական տարին հնարավոր է մեկնարկի սեպտեմբերի 15-ին:

Ինչպես հայտարարեց Վրաստանի կրթության եւ գիտության նախարար Թամար Սանիկիձեն, նոր ուսումնական տարին սկսվելու է սեպտեմբերի 10-ից հետո, առաջին երկուշաբթի օրը: Նրա խոսքերով, սեպտեմբերի 10-ին հաջորդող առաջին եր-

կուշաբթին սեպտեմբերի 15-ն է, ուստի նոր ուսումնական տարին կսկսվի սեպտեմբերի 15-ին: Նոր ուսումնական տարվա մեկնարկի մասին հրամանագիրը կիրադարակվի մոտակա օրերին:

ՀԱՎԱՍՏԱԳՐՎԱԾ ՄԱՆԿԱՎԱՐԺՆԵՐԸ ԿՍՏԱՆԱՆ ՀԱՎԵԼԱՎՃԱՐ

Հավաստագրումը անցած մանկավարժներն աշխատավարձի հետ անխափան կուստանան հավելավճարը:

Այդ մասին ասված է Վրաստանի կրթության եւ գիտության նախարարության կողմից տարածված հայտարարության մեջ:

Ինչպես նշված է հայտարարությունում, վերջին ժամանակներս սուտ տեղեկատ-

վություն է տարածվում, որի բովանդակությունն առնչվում է նախարարությանը: Այս անգամ գերատեսչությունը պատասխանում է անհայտ աղբյուրին, որը դպրոցներում եւ սոցիալական ցանցով տարածում է տեղեկատվություն, ըստ որի՝ արձակուրդ-

ների ժամանակ հավաստագրված մանկավարժներն աշխատավարձի հավելավճարը չեն ստանա:

«Վերոնշյալ տեղեկատվությունը չի համապատասխանում իրականությանը, քանի որ հավաստագրված բոլոր մանկավարժները կստանան հավելավճարը»,- ասված է կրթության նախարարության հայտարարության մեջ:

ՄԵԿՆԱՐԿԵՑ ՄԱՆԿԱՊԱՐՏԵՋՆԵՐՈՒՄ ԵՐԵՒԱՆԵՐԻ ԳՐԱՆՑՈՒՄԸ

Չուլիսի 1-ին մեկնարկեց մանկապարտեզներում երեխաների գրանցումը:

Ինչպես տեղեկացրել է մանկապարտեզների կառավարման գործակալությունը, հուլիսի 1-ից մինչեւ հուլիսի 5-ը գրանցում են անցել 2-ից 6 տարեկան, վարկանիշային 200

կազարից նվազ միավոր ունեցող սոցիալապես անպաշտպան ընտանիքների երեխաները, ինչպես նաեւ խնամքի յուրահատուկ պայմաններ պահանջող ու մանկատների երե-

խաները: Չուլիսի 5-10-ը կգրանցվեն արդեն գրանցված երեխաների ջուրերն ու եղբայրները, իսկ հուլիսի 10-ից՝ մյուս երեխաները:

Գործակալության տեղեկատվությամբ, էլեկտրոնային գրանցման են ենթակա այն

երեխաները, ում երկու տարին կլրանա մինչեւ սեպտեմբերի 8-ը եւ, ում 6 տարին չի լրացել մինչեւ սեպտեմբերի 8-ը:

Միաժամանակ, հայտարարվել է ամառային մանկապարտեզների համար երեխաների գրանցումը:

ՏԱՐԱԾԱՇՐՋԱՆ

ՏԱՆՏՎԱՆ ՎԱՐԴԱՊԵՏՅԱՆ. «ԹՈՒՐՔ ՄԵՍԽԵԹՅՈՒՆԵՐԻ ՎԵՐԱԲՆԱԿԵՑՈՒՄԸ ԶԱՎԱՍԵԹՈՒՄ ԱՆԻՐԱՏԵՍԱԿԱՆ ԵՄ ՀԱՄԱՐՈՒՄ»

Հայաստանում գործող «Վիրահայերի միասնություն» հասարակական կազմակերպության համանախագահ, Ազգային ժողովի 774 խմբակցության պատգամավոր Տաճատ Վարդապետյանը քիչ հավանական է համարում թուրք մեսխեթցիների Սամցխե-Ջալալխեթի երկրամասում վերաբնակեցման արագացումը:

Նա չի կարծում, որ դա իրականություն կդառնա Վրաստանի՝ ԵՄ ասոցիացման պայմանագրի ստորագրումից հետո: Այս մասին «Արմենպրես»-ի հարցին ի պատասխան նշեց պատգամավորը: «Տարիներ շարունակ, ինչ փուլովեց խորհրդային միությունը, անընդհատ շահարկվում է այդ հարցը, բայց ես թուրք մեսխեթցիների վերաբնակեցումը իրատեսակա՞ն չեմ համարում: Գործնականորեն դա իրատեսակա՞ն չի, այն ինչ-որ տեսակա՞ն դրույթ է եւ, առաջին հերթին, սպառնում է Վրաստանի անվտանգությանն ու Վրաստան պետության շահերին»,-

ասաց Տաճատ Վարդապետյանը:

Այն դիտարկմանն ի պատասխան, որ Վրաստանը եվրամիության առջեւ ունի մեսխեթցի թուրքերին վերաբնակեցնելու պարտավորություն, պատգամավորը նշեց. «Փորձը ցույց է տվել, որ կարծես թե ճանապարհները բացվեցին, դռները բացեցին, բայց գործնականում այնտեղ չունենք վերաբնակեցված թուրք մեսխեթցի: Դա անիրակա՞նանալի դրույթ է, որ չեն կարծում կյանքի կոչվի: Բացի դրանից՝ այսօր Վրաստանում այնպիսի մոտեցումներ կան, որ նրանց գերջերմ հարաբերությունները Թուրքիայի ու

Ադրբեջանի հետ լուրջ սպառնալիք են, եւ կարծում եմ, որ Վրաստանը դրանից պետք է լուրջ հետևություններ անի»:

Օրերն «Վիրահայերի միասնություն» հասարակական կազմակերպությունը իր մտահոգությունն էր հայտնել այս թեմայի առնչությամբ՝ համարելով, որ այն լուրջ սպառնալիք կարող է հանդիսանալ ջալալխայիների համար:



Շարաքից շարաք. Փաստեր եւ իրադարձություններ

ՀԱՂՈՐԳՈՒԾ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՍՈՑԻԱԼԱԿԱՆ

ՄՇԱԿՎՈՒՄ Ե ԲՆԱԿՉՈՒԹՅԱՆ ՍՈՑԻԱԼԱԿԱՆ ԳՆԱՀԱՏՄԱՆ ՆՈՐ ՀԱՄԱԿԱՐԳ

Վրաստանում սոցիալապես անապահով բնակչության գնահատման նոր համակարգի առաջադրումը թույլ կտա քաղաքացիների սոցիալ-տնտեսական վիճակի սահմանման գործում խուսափել սխալներից:

Այդ մասին հայտարարել են Վրաստանի աշխատանքի, առողջապահության եւ սոցիալական պաշտպանության նախարարությունում:


2013 թվականի սեպտեմբերին UNICEF-ի հետ ձեւակերպված պայմանագրի շրջանակներում փոփոխություններ կատարվեցին Վրաստանում սոցիալապես անապահով ընտանիքների սոցիալ-տնտեսական վիճակի գնահատման չափո-

րոշիչներում: Ինչպես հայտարարեցին նախարարությունում, նման ընտանիքների գնահատումը կիրականացվի այդ ընտանիքի անդամներից կամ պետական տարբեր գերատեսչությունների տվյալների բազայից ստացված օբյեկտիվ տեղեկատվության հիման վրա:

Վերջերս առողջապահության նախարար Դավիթ Սերգեյենկոն, մեկնաբանելով անապահով ընտանիքների վիճակի

գնահատման համակարգը, նշել էր, որ այդ գործում առկա է երկու կարեւոր հիմնախնդիր: «Սոցիալական գործակալն ուներ սուբյեկտիվ որոշման լայն ասպարեզ, նաեւ սխալներ էին նկատվում մեթոդաբանության մեջ, որն ընթացքում կարգավորվում էր: UNICEF-ի հետ մենք կկարողանանք գտնել համակարգային որոշում», - հայտարարեց նախարարը:

Հիշեցնենք, որ, ներկա դրությամբ, սոցիալական ապահովման գործակալության բազայում գրանցված է 440500 սոցիալապես անապահով քաղաքացի:



ՇՆՈՐՀԱՎՈՐԱՆՔՆԵՐ ՈՒՍԱՂԱՆԻ ԱՌԹՎ

Վրաստանի նախագահ Գիորգի Մարգվելաշվիլին եւ վարչապետ Իրակլի Դարիբաշվիլին շնորհավորական ուղերձ են հղել երկրի մահմեդական բնակչությանը, նրանց տոնի Ռամադանի առթիվ: «Ձեր հիմնվորը յուրահատուկ մշակույթն ու ավանդույթները մեր երկրի հարստությունն են ու նրա անկապտելի մասը», - նշել է Վրաստանի նախագահը: Իսկ վարչապետ Իրակլի Դարիբաշվիլին խոսքերով, «Մենք մի երկրի զավակներ ենք եւ հավատում ենք, որ ձեզանից յուրաքանչյուրն իր բաժինը կներդնի երկրի վերածննդի ու զարգացման գործում, եւ մենք բոլորս միասին կապրենք միացյալ ու հզոր Վրաստանում»:

ԱՎԱՐՏՎԵՑ ԳԱՐՆԱՆԱՅԻՆ ԶՈՐԱՎՈՉԸ

Հուլիսի 1-ին ավարտվեց պարտադիր զինծառայության համար զարմանային զորակոչը: Զորակոչի ընթացքի եւ արդյունքների մասին տեղեկատվությունը հաղորդել է Վրաստանի տարածաշրջանային զարգացման եւ ենթակառուցների փոխնախարար Թենգիզ Շերգելաշվիլին:

Նրա խոսքերով, զորակոչի եւ ենթակառուցների թվաքանակությամբ լրիվությամբ ապահովվել է քրեակատարողական եւ պրոբացիայի նախարարության (782), պաշտպանության (600) եւ ներքին գործերի նախարարությունների (1200) հայտերը:

Աշմանային զորակոչի նախապատրաստությունը կսկսվի հուլիսի վերջին, իսկ զորակոչը կմեկնարկի օգոստոսից:

ՖԻՆԱՆՍԱՎՈՐՎԵԼ Ե 250 ՀԱԶԱՐ ԱՆՇԵՏԱԶԳԵԼԻ ԲԺՇՎԱԿԱՆ ՕԳՆՈՒԹՅՈՒՆ

Վրաստանի առողջապահության նախարար Դավիթ Սերգեյենկոն հանրագումարեց համընդհանուր առողջապահության ծրագրի կիրարկման մեկ տարվա արդյունքները: Նախարարի հավաստմամբ, ծրագրի շրջանակներում արդեն գրանցվել է 2 միլիոն 353 հազար մարդ: 2013 թվականի հուլիսի 1-ից պետության կողմից ֆինանսավորվել է շուրջ քառորդ միլիոն անհետաձգելի բժշկական օգնություն, 26 հազար ծրագրված վիրաբուժական վիրահատություն, 31 հազար ծնունդ եւ կեսարյան հատում, 21 հազար ուռուցքաբանական վիրահատություն, քիմիական եւ ծառայության թերապիա:

ԳՐԱՆՑՎԵԼ Ե ՄԻՎ-ՎԱՐԱԿՎԱԿԻՐ ՍՈՏ 4,5 ՀԱԶԱՐ ԴԵՊԵ

2014 թվականի սկզբից Վրաստանում գրանցվել է ՄԻՎ-ով վարակվելու 258 նոր դեպք: Այդ մասին հայտնել է երկրի Ինֆեկցիոն պաթոլոգիայի, ԶԻԱՀ-ի եւ կլինիկական իմունոլոգիայի գիտագործնական կենտրոնը: Ընդամենը Վրաստանում կա 4 հազար 389 ՄԻՎ-վարակակից, որոնցից 3 հազար 222-ը 29-ից 40 տարեկան տղամարդիկ են եւ 1167-ը՝ կանայք:

ԶԻԱՀ է զարգացել 2 հազար 708 մարդու մոտ: Մինչ այդ բուժման մեջ էր գտնվում 2 հազար 7 մարդ:

ԶԻԱՀ-ով հիվանդանալու առաջին փաստը Վրաստանում գրանցվել է 1989 թվականին, այն ժամանակվանից դրա զոհ է դարձել 942 մարդ:

Երկրում ՄԻՎ-ով վարակվելու հիմնական պատճառը մնում է ներարկման ճանապարհով օգտագործվող թմրանյութերի գործածումը (50,8 տոկոս), երկրորդ տեղում են հետեւող սեռական սեռական կապերը (40,6 տոկոս):

ԴԵՂՈՐԱՅՔԻ ԳՆԵՐԻ ԱՎԵԼԱՑՄԱՆ ՏԵՂԵԿԱՏՎՈՒԹՅՈՒՆԸ ԶԻ ՀԱՍՏԱՏՎՈՒՄ

Վրաստանի առողջապահության նախարար Դավիթ Սերգեյենկոն մեկնաբանեց վիճակագրական գործակալության տեղեկատվությունը, ըստ որի մայիսին, ապրիլի համեմատությամբ, դեղորայքը բանկացել է:

Նախարարի խոսքերով, դեղորայքի գների մոնիտորինգն իրականացվել է այլ մեթոդով: «Վիճակագրության կոմիտեն ու-

ն, որոնք անհրաժեշտ են առավել տարածված հիվանդությունների համար: Վրաստանում դրանք զարկերակային զիպերտենզիան է եւ թրոմբոզիկան չորս հիմնական հիվանդությունները: Գնեթի մոնիտորինգը իրականացվում է Ելեկտրոլ դրամից: Մենք այն պարբերաբար իրականացնում ենք եւ դեղորայքի բանկացումը չի վավերացվել: Ընդհանրապես, հուլիսի 1-ից սկսել է գործել նոր նախագիծ, ըստ որի, C հեպատիտով տառապող տասնյակ հիվանդների համար սահմանվել է քառորդ լոտ, այսինքն՝ ամենաթանկ դեղորայքի արժեքը նվազել է 60 տոկոսով», - հայտարարեց Դավիթ Սերգեյենկոն:



նի իր մեթոդները, որը հիմնված է հարցման անցկացման վրա: Այսինքն, վիճակագրական գործակալությունը հարցում է անցկացրել այն մարդկանց շրջանում, ովքեր վերջին ժամանակներս դիմել են դեղատնային: Իսկ իրականում դեղորայքի գների մոնիտորինգը իրականացվում է, այսպես կոչված, լոտի սկզբունքով: Այդ լոտերն առավել պահանջարկ վայելող դեղերի շրջանառությունն

ԻՐԱՎԱԿԱՆ

ՎԱՐՉԱԿԱՆ ԶԵՐԲԱԿԱԼՈՒԹՅՈՒՆԸ 90-ԻՑ ՀԱՍՑՎՈՒՄ Ե 15 ՕՐՎԱ

Վարչական ձերբակալության ժամկետը առավելագույնս 90-ից հասցվում է 15 օրվա: Վրաստանի խորհրդարանն արդեն քննարկել է «Վարչական իրավախախտումների օրենսգրքում» կատարվելիք փոփոխությունների ծրագրը:

Խորհրդարանի իրավաբանական հարցերի կոմիտեի նախագահ Վախթանգ Խանալանի եւ փոխնախագահ Շավլա Շավկուլիձեի կողմից մշակված օրինամատյանը համաձայն, վարչական ձերբակալության ժամկետը չպետք է գերազանցի 15 օրվան: Համապատասխան փոփոխությունները

ներգրավվելու են օրենսգրքի բոլոր այն հոդվածներում, որոնք նախատեսում են 15 օրից ավելի վարչական ձերբակալություն:

Ինչպես պարզաբանեցին օրինամատյանի հեղինակները, 90-օրյա վարչական ձերբակալությունը չի համապատասխանում համեմատության սկզբունքին: Նրանց խոս-

քերով, դա ապացուցվել է եվրոպական եւ զարգացած մյուս երկրների օրենսդրությամբ, որտեղ, որպես օրենք, վարչական ձերբակալությունը չի գերազանցում 15 օրվան:

Հիշեցնենք, որ ներկայումս գործող «Վարչական իրավախախտումների օրենսգրքով» վարչական ձերբակալությունը սահմանվում է օգտավորվում է միայն բացառիկ դեպքերում վարչական իրավախախտողների համար 90 օրվա ժամկետով:

600 ՀԱԶԱՐ ԴՈՒՄԻ ՎԱՏՆՄԱՆ ՄԵՂԱԴՐԱՆՔ՝ ԳԻԳԻ ՈՒԳՈՒԼԱՎԱՅԻՆ



Վրաստանի ֆինանսների նախարարության քննչական ծառայությունը, հունիսի 30-ին, Թբիլիսիի նախկին քաղաքապետ Գիգի Ուգուլավային առաջադրել է նոր մեղադրանք՝ խոշոր չափերի պետական միջոցների վատնում:

Կանոն խոշոր գումար՝ 1 միլիոն 86 հազար 718 լարի (շուրջ 614 հազար դոլար)»,- ասված է հաղորդագրության մեջ:

C.T. Park-ը 2007 թվականից Թբիլիսիում պարկային ծառայությունների մատուցման բացառիկ իրավունք ունեցող ընկերություն է:

Գիգի Ուգուլավային մեղադրանք է առաջադրվել Վրաստանի Քրեական օրենսգրքի 182-րդ հոդվածի 2-րդ եւ 3-րդ մասերով՝ պաշտոնական դիրքի օգտագործմամբ առանձնապես խոշոր չափերի միջոցների վատնում: Ուգուլավային արդեն անց-

նում է մի քանի քրեական գործերով. նա մեղադրվում է Ազգային շարժման նախընտրական ծախսերի ֆինանսավորման համար հանցավոր սխեմայի մշակման, «Իմեդի» հեռուստաընկերության ապօրինի գավթման եւ Ազգային շարժման ակտիվիստների համար կեղծ աշխատատեղերի ստեղծման մեջ: Մեղադրանքներից ոչ մեկի վերաբերյալ դատարանն առայժմ վճիռ չի կայացրել:

Հատկանշական է, որ Թբիլիսիի դատարանը հուլիսի 2-ին իրաժարվել էր բավարարել Վրաստանի դատախազության պա-


ՑԱՎԱԿՑՈՒԹՅՈՒՆ

ՆՐԱ ԳՈՐԾԸՆԿԵՐՆԵՐԸ ԿՇԱՐՈՒՆԱԿԵՆ ԱՅՆ ՄԵԾ ԳՈՐԾԸ, ՈՐԻՆ ԾԱՌԱՅԵՑ ՍՈՒԼԵՅՄԱՆ ՍՈՒԼԵՅՄԱՆՈՎԸ

Խոր ցավակցություն են հայտնում «Գյուրջիստան» թերթի գլխավոր խմբագիր Սուլեյման Սուլեյմանովի մահվան կապակցությամբ եւ վշտակցում նրա ընտանիքին, բարեկամներին:

Տարիներ շարունակ Սուլեյման Սուլեյմանովը հավատարմորեն ծառայեց վրաց ժուռնալիստիկային եւ նշանակալից ավանդ ներդրեց այդ գործում: Առանձնակի նշանակալից է նրա ծառայությունը վրացադրբեջանական հարաբերությունների ամրապնդման գործում:

Համոզված են, որ նրա գաղափարակիցները կշարունակեն այն մեծ գործը, որին ծառայեց Սուլեյման Սուլեյմանովը:



ԻՐԱՎԼԻ ՂԱՐԻԲԱՇՎԻԼԻ Վրաստանի վարչապետ

ԵՎՐԱՍԻՆՏԵԳՐՈՒՄ

10 ԱՌԱՍՊԵՆ՝ ՎՐԱՍՏԱՆ-ԵՎՐԱՍԻՈՒԹՅԱՆ ԱՍՈՑԻԱՅՄԱՆ ՀԱՄԱՁԱՅՆԱԳՐԻ ՎԵՐԱԲԵՐՅԱԼ

(Սկիզբը՝ 1-ին էջում)

Եկանուտի աճի հիման վրա: Եվրամիության հետ արտոնյալ առևտրական համաձայնություններ ունեցող բոլոր գործընկեր երկրները (Հարավային Աֆրիկա, Մեքսիկա, Չիլի, Մարոկո և այլն) ստացել են օգուտ Եվրամիության շուկայում արտահանման ընդլայնումով և այդ երկրների առևտրական աճի ցուցանիշը հասել է երկնիչ թվաքանակին միջին երկարամյակ ժամանակահատվածում:

ԱՌԱՍՊԵՆ 2. Վրացական ընկերությունները չեն ապահովի Եվրամիության չափանիշները և կանոնավորումները: Համապատասխանաբար, կբարդանա Եվրամիություն արտահանման իրականացումը և, միևնույն ժամանակ, Վրաստանի ներքին շուկայում ևս չեն կարողանա մրցակցել Եվրամիության երկրների ընկերություններին:

Ճշմարիտ է. ճիշտ է՝ համաձայնությունը վրաց արտադրողներից պահանջում է անցնել Եվրամիության չափանիշներին: Թերևս, այդ բարեփոխումները կիրառվեն փուլ առ փուլ և, համապատասխանաբար, այն իրագործելի է: Տվյալ փոփոխությունների արդյունքում վրաց ընկերությունները հնարավորություն կստանան հեշտությամբ մերձենալ Եվրամիության շուկային և նրանց մրցունակությունը կաճի անչափ բարձր մակարդակով:

Ասոցիացման վերաբերյալ համաձայնության իրականացման գործընթացի ժամանակ, Վրաստանը կարմատավորի Եվրամիության չափանիշները: Կարելի է, որ մասնավոր ընկերությունները իրագործեն անհրաժեշտ փոփոխություններ և կատարեն ներդրումներ, որը հնարավորություն կընձեռի նրանց արտադրել բարձր որակի արտադրանք: Եվրամիության կանոնավորումների մերձեցումը իրականացվելու է հաջորդաբար, մի քանի տարվա ընթացքում:

Նշված գործընթացը, անշուշտ կապված է որոշակի ծախսերի հետ: Վրաստանի տնտեսության արդիականացումը չի իրագործվի առանց ներդրումների: Համապատասխանաբար, անհրաժեշտ է նշանակալից ծավալով ներդրումների իրականացում վրացական ընկերությունների, արտասահմանյան ներդրողների, կառավարության և միջազգային ֆինանսական ինստիտուտների կողմից: Նման ներդրումներ, վերջնական արդյունքում, կարելի է հինգ տարի և ավելի ընթացքում, այնպես էլ միջազգային մրցունակության մակարդակի բարձրացման տեսանկյունից: Իր հերթին, տվյալ ներդրումների գրավումը կօգնի խորը և համապարփակ Ազատ առևտրի գոտում ընդունած հեռանկարներին:

Յուրաքանչյուր ժամանակահատվածում, որ վրացական արտահանումների 20 տոկոսը իրագործվում են Եվրամիության երկրներում, որը ցույց է տալիս վրացական ընկերությունների ունակությունը՝ հարմարվել Եվրամիության չափանիշներին և իրականացնել արտահանում: Եվրամիության շուկան աշխարհի ամենամեծ շուկաներից մեկն է, մոտ 500 միլիոն: Ունակ՝ բարձր գնումներ անող բնակչությանը: Հետևաբար, ակնհայտ է, որ ասոցիացման համաձայնությամբ Վրաստանը կստանա ավելի շատ օգուտ, քան Եվրամիությունը:

ԱՌԱՍՊԵՆ 3. Եվրամիության հետ ասոցիացման վերաբերյալ համաձայնությունը և անայցազրային տեղաշարժը առաջ կբաշի Վրաստանից աշխատանքային ռեսուրսների, այդ թվում՝ արհեստավար աշխատուժի ներքաշում Եվրամիության երկրներ: Ճշմարիտ է. Ասոցիացման վերաբերյալ համաձայնագրի ոչ մի դրույթ, որ որոշակի չափով կապված է Եվրամիության երկրներ Վրաստանի քաղաքացիների տեղաշարժի հետ, նկատի չունի այդ երկրներում Վրաստանի քաղաքացիների աշխատանքով զբաղվածության հնարավորությունը: Բացի այդ, Վրաստանի և Եվրամիության միջև այդպիսի անհավասարակշռությունները կարող են առաջացնել անհավասարակշռություններ և աշխատանքով զբաղվելու հնարավորություններով:

ԱՌԱՍՊԵՆ 4. Ասոցիացման համաձայնագրի ձևակերպումը իրենից ներկայացնում է Վրաստանի՝ Եվրամիությանը անդամագրվելու այլընտրանքին: Ճշմարիտ է. Ասոցիացման վերաբերյալ համաձայնագիրը բաց է թողնում Վրաստանի՝ Եվրամիությանը անդամակցվելու հարցը: Թերևս համաձայնության իրականացումը կարելի է առաջընթաց քայլ է Եվրամիությանը անդամագրվելու ճանապարհին: Պետք է նշել, որ, ըստ հասարակական կարծիքի, վերջին հարցերի արդյունքում, Վրաստանի բնակչության մեծամասնությունը համաձայն է երկրի՝ Եվրամիությանը անդամագրվելուն:

Եվրամիության վերաբերյալ համաձայնության 49-րդ հոդվածի համաձայն, ցանկացած Եվրոպական պետություն, որը հարգում է այն սկզբունքները, որի վրա հիմնված է Եվրամիությունը, իրավունք ունի ներ-

կայացնել հայտ՝ Եվրամիությանը անդամագրվելու: Եվրամիությանը անդամակցությունը պահանջում է թեկնածու երկրում ժողովրդավարություն և գերակայություն ապահովող ինստիտուտների գոյություն, մարդու իրավունքների և փոքրամասնությունների պաշտպանություն և հարգանք, ինչպես նաև երկիրը պետք է ունենա գործող շուկայական տնտեսություն և Եվրոպայի ներքին շուկայի հետ մրցունակությունը հաղթահարելու հնարավորություն: Ասոցիացման համաձայնագրի իրագործումը կաջակցի Եվրամիությանը անդամագրվելու համար անհրաժեշտ չափանիշների ապահովում:

ԱՌԱՍՊԵՆ 5. Եվրամիությանը ասոցիացման վերաբերյալ համաձայնագրի ձևակերպումը վտանգ է ներկայացնում մեր մշակութային նույնականացումը և ինքնությունը պահպանելու գործին:

Ճշմարիտ է. Ասոցիացման համաձայնագիրը չի պարունակում մշակութային նույնականացման և ինքնության վարկաբեկմանը վերաբերող կանոնադրություն: Մշակութային բազմազանությունը և ազգային ավանդույթների պահպանման աջակցությունը Եվրամիության գլխավոր գերակայությունն է: Եվրամիության ուժը և դեպի այն ձգտումը հատկապես նրա մշակութային և ազգային բազմազանության մեջ է: Համապատասխանաբար, մշակութային բազմազանության պահպանման ապահովումը ներկայացնում է Եվրամիության առանձին ուղղություններով քաղաքականության ձևավորման ելակետը: Եվրամիությունը միավորում է 28 պետություն, որոնք սերտորեն համագործակցում են մշակութային ոլորտում: Չնայած դրան, գերմանացիները մնում են գերմանացիներ, ֆրանսիացիները՝ ֆրանսիացիներ, էստոնացիները՝ էստոնացիներ և այլն: Ասոցիացման վերաբերյալ համաձայնությունը, ընդհակառակը, կաջակցի Եվրամիության երկրներում վրաց մշակութային ձեռքբերումների և երկրի լինելու հանրաճանաչությանը, և, մասնավորապես, մշակույթի ոլորտում համագործակցության խորացմանը:

(Հարունակությունը՝ հաջորդ համարում)

ԸՆՏՐՈՒԹՅՈՒՆՆԵՐ

Ո՞Վ ԵՎ ԻՆՉՊԵ՞Ս Է ՆԵՐԿԱՅԱՑՎՈՒՄ ՍՈՒՆԻՑԻՊԱԼԻՏԵՏՆԵՐԻ ՍԱԿՐԵՐՈՒԼՈՆԵՐՈՒՄ

Ինչպես արդեն հաղորդել ենք, հունիսի 15-ին Վրաստանում անցկացվեցին տեղական ինքնակառավարման մարմինների ընտրություններ, որոնց արդյունքներով ընտրվելու էին ինքնակառավարման 12 քաղաքների քաղաքապետերն ու 59 մունիցիպալիտետի վարչության նախագահները:

Ընտրությունների արդյունքներով վիրահայ համայնքը, հանձինս մունիցիպալիտետների սակրեբուլյոնների պատգամավորների, իր ներկայացուցչությունը կունենա Ախալքալաքի, Ախալցխի, Նինոծմինդայի, Ասպինձայի, Ադիգենի, Բորժոմի, Ծալկայի, Մառնեուլի, Բուրժանի, Թեթրիժոլայի, Դեղուլիսոժարոյի մունիցիպալիտետներում:

Չեզ ենք ներկայացնում տեղական ընտրությունների արդյունքներով, ըստ մունիցիպալիտետների, սակրեբուլյոններում ընտրված հայազգի պատգամավորների մասին խմբագրության տրամադրության տակ եղած տեղեկատվությունը:

ԱԽԱԼՔԱԼԱՔԻ

Ախալքալաքի մունիցիպալիտետի սակրեբուլյոնում 37 պատգամավորից 15-ն ընտրվել է համամասնական, իսկ 22-ը՝ մեծամասնական ընտրակարգով:

Համամասնականով ընտրված պատգամավորներից ութ պատգամավորները ներկայացնում են «Վրացական երազանք», չորսը՝ «Ոչ խորհրդարանական ընդդիմությունը» և սակրեբուլյոն մեկական ներկայացուցիչ կունենան «Նինո Բուրջանաձե-Միասնական ընդդիմությունը», «Վրաստանի վետերանների և հայրենասերների շարժումը» և «Միասնական ազգային շարժումը»:

Մեծամասնական ընտրակարգով սակրեբուլյոնում ընտրված 22 պատգամավորից 18-ը կալիցիայի ներկայացուցիչներն են, երկուսը՝ «Ոչ խորհրդարանական ընդդիմությունից», ևս երկուսը անկախ պատգամավորներ են:

ՆԻՆՈՇՄԻՆԱԿ

Նինոծմինդայի մունիցիպալիտետի սակրեբուլյոնում 25 պատգամավորից 15-ն ընտրվել են համամասնական, իսկ 10-ը՝ մեծամասնական ընտրակարգով: Համամասնական ընտրակարգով ընտրված պատգամավորներից 11-ը «Վրացական երազանքի» ներկայացուցիչներն են, երկուսը՝ «Ազգային շարժման», և մեկական՝ վետերանների շարժումից և «Ինքնակառավարումը ժողովրդին» կազմակերպությունից:

Մեծամասնական ընտրակարգով ընտրված պատգամավորներից ութը ներկայացնում են «Երազանքը», մեկը՝ «Ոչ խորհրդարանական ընդդիմությունը», ևս մեկը՝ անկախ է:

ԱԽԱԼՑԻՒՆ

Ինքնակառավարման Ախալցխե քաղաքի սակրեբուլյոնի 15 անդամներից 5-ն ընտրվել են մեծամասնական, իսկ 10-ը՝ համամասնական ընտրակարգով: Վերջիններիս թվում 6-ը ներկայացնում են «Վրացական երազանք» կալիցիան, 3-

ը՝ «Միասնական ազգային շարժումը» և մեկը՝ Նինո Բուրջանաձեի գլխավորած դաշինքից է:

Համամասնական ցուցակով ընտրվածների թվում է կալիցիա ներկայացնող Սամվել Գոլոյանը, ազգային շարժումից՝ Իրմա Խնկոյանը: Ախալցխի սակրեբուլյոնում մեծամասնական մանդատ է ստացել նաև Համբարձում Բաբոյանը:

Ախալցխի մունիցիպալիտետում սակրեբուլյոնի 30 անդամներից 15-ն ընտրվել են մեծամասնական, 15-ն էլ՝ համամասնական ընտրակարգով: Մեծամասնականներից 12-ը կառավարող կալիցիայից են, 3-ը՝ «Ազգային շարժումից», իսկ համամասնականով՝ մանդատ են ստացել կալիցիայի 10 և ազգայինների 5 ներկայացուցիչ:

Համամասնական ընտրակարգով «Վրացական երազանքից» ընտրվել է Տիգրան Մելքոնյանը, իսկ ազգային շարժումից՝ Ռոբերտ Մուրայանը: Մեծամասնական ընտրակարգով ընտրվել են Արտաշես Բալասանյանը, Պայծառ Մանասյանը, Հարություն Աղաբաբյանը, Սեդա Նահապետյանը և Սկրտիչ Գինոյանը՝ իշխող կուսակցության «Վրացական երազանքից» են:

ԱՍՊԻՆՁԱ

Ասպինձայի մունիցիպալիտետի սակրեբուլյոնում կլինի 27 պատգամավոր: 12 մեծամասնականներից 8-ը ներկայացնում են «Վրացական երազանք» կալիցիան: Մեկական մեծամասնական պատգամավոր կունենան «Ազգային շարժումը» և Նինո Բուրջանաձեի գլխավորած դաշինքը, երկուսը՝ անկուսակցական պատգամավորներ են: Համամասնական ընտրակարգով 15 պատգամավորից 9-ը ներկայացնում են «Վրացական երազանքը», 4-ը՝ «Ազգային շարժումը» և մեկական ներկայացուցիչ կունենան «Նինո Բուրջանաձե-Միասնական ընդդիմությունը» և «Վրաստանի հայրենասերների այլանսը»: Համամասնական ընտրակարգով «Միասնական ազգային շարժումից» մանդատի է արժանացել Ռոբերտ Նահապետյանը, իսկ

մեծամասնականով էմին Բալոյանը՝ «Վրացական երազանքից»:

ԲՈՐՇՈՒՄ

Բորժոմի մունիցիպալիտետի 26 պատգամավորից 17-ը՝ «Վրացական երազանքի» ներկայացուցիչներ են:

Մեծամասնական մանդատի են արժանացել Արայիկ Անտոնյանը՝ «Վրացական երազանքից» և նախաձեռնող խմբի թեկնածու Անդրուշ Իրիցյանը:

ԱՊԻԳԵՆԻ

Ադիգենի մունիցիպալիտետի սակրեբուլյոնի մունիցիպալիտետի 30 անդամներից 21-ը ներկայացնում են «Վրացական երազանքը», 6-ը՝ «Ազգային շարժումը» և 2-ը՝ Նինո Բուրջանաձեի գլխավորած դաշինքը: Համամասնական ընտրակարգով պատգամավոր մանդատի է արժանացել «Ազգային շարժման» ներկայացուցիչ Դավիթ Գոլիանցիանը:

ԾԱԼԿԱ

Ծալկայի մունիցիպալիտետում մեծամասնական ընտրակարգով պատգամավորի մանդատի արժանացան «Վրացական երազանքի» ներկայացուցիչներ Գոչա Խաչատրյանը, Ստեփան Եղոյանը, Սամսոն Թամարյանը, Ռուբեն (Ռազմիկ) Հանեսյանը, Թադեոս Թորոյանը, Հարություն Ավետյանը, Խաչատուր Մազմանյանը, Լեւոն Մարկոսյանը, Հարություն Շահնազարյանը, Լայերտ Թորոյանը, Ավետիկ Շախբազյանը, անկախ թեկնածու Սարգիս Գոլիանցիանը, Բուրջանաձեի դաշինքի ներկայացուցիչ Ռեզո Նարինով:

Համամասնականով սակրեբուլյոնի պատգամավորներ են ընտրվել կառավարող կալիցիան ներկայացնող Արտաշ Նազարյանը, Մաթեոս Բաբոյանը, Բուրջանաձեի դաշինքի ներկայացուցիչ Արարատ Պետրոսյանը, «Ազգային շարժման» ներկայացուցիչ Ասատուր Վարդերեսյանը:

ՄԱՐՆԵՈՒԼԻ

Մառնեուլի մունիցիպալիտետի սակրեբուլյոնում մանդատները բաշխվել են 15 համամասնական և 18 մեծամասնական համակարգով ընտրված պատգամավորներին: Մեծամասնական ընտրակարգով մունիցիպալիտետի սակրեբուլյոնի անդամներ են դարձել «Վրացական երազանք» կալիցիայի ներկայացուցիչներ Աիդա Խաչիկյանը, Արսեն Հախվերդյանը և Լեւոն Հակոբյանը: